



Servetschs da segirezza privats en il chantun Grischun

Il chantun Grischun na prevesa da princip nagina obligaziun da dumandar ina permissiun per l'engaschament sco servetsch da segirezza privat sin il territori chantunala. In'exceptiun è la purschida da servetschs en il sectur da la regulaziun dal traffic sin vias e plazzas publicas. Quella basegna ina permissiun da la polizia da traffic dal Grischun (cf. qua sutvart). Avant che cumenzar cun l'activitad ston vegnir observadas las suandantas prescripziuns:

Designaziun:

L'utilisaziun da la designaziun "polizia" per rumantsch u en in'otra lingua è resalvada a la polizia chantunala ed a las forzas da polizia da las vischnancas.

Unifurma:

Las unifurmas ed ils vehichels dals servetschs da segirezza privats na dastgan betg chaschunar scumbigls cun quels da la polizia regulara.

Purtar armas:

Igl è admiss da purtar armas a norma da la lescha federala davart las armas, ils accessoris d'armas e la muniziun (LArm; CS 514.54). Per dumondas en connex cun il purtar armas As drizzai per plaschair al post specialisà per armas, 081 257 75 70.

Regulaziun dal traffic:

Per porscher servetschs en il sectur da la regulaziun dal traffic sin vias e plazzas publicas dovri ina permissiun da la polizia chantunala. En la dumonda da permissiun ston vegnir cumprovà che la scolaziun da las funcziunarias e dals funcziunaris che vegnan engaschads vegn fatga d'ina persona specialisada che ha absolvi cun success l'examen da qualificaziun correspondent (examen da regulaziun dal traffic) en in corp da polizia u en in'organisaziun da segirezza che porscha tals examens, ubain ch'è autorisada, sco polizista u polizist certitigà, da la polizia chantunala cumpetenta da far quai. Ultra da quai ston figurar en la dumonda las indicaziuns davart la part teoretica e pratica da l'instrucziun e las controllas d'emprender da la scolaziun ston vegnir agiuntadas. La dumonda cumpletta sto vegnir inoltrada a la polizia da traffic dal chantun Grischun, Ringstrasse 2, 7000 Cuir.

Barbara Hubschmid, 26 da mars 2013